

續修四庫全書

《續修四庫全書》編纂委員會編

續修四庫全書

上海古籍出版社

一四五五・集部・別集類

復初齋詩集七十卷（卷三十六至卷七十）〔清〕翁方綱撰……………一

復初齋文集三十五卷〔清〕翁方綱撰……………三三九

復初齋詩集卷第三十六

大興 翁方綱 正三

谷園集四 戊申六月至
己酉正月

自南昌往瑞州道中二首

上水苦濡滯遂忘登頓勞潯雨鬱旬日層林洗甘膏獨
憐輿丁疲不減舟楫操沙水犖确間陸陌極低高愧爾
漁舍子婦孺茶蓼勤墾具所務課功計釐豪于役百
無補棄日等戲邀每懷江介秋籃竹睇波濤

西江江更西盛陽水風溼農書頻有秋茲歲穫倍什敢
辭路淤泥膏雨資仰給黍苗勞有王皇華誼靡及沙灣
岸曲間洩雲時滿笈庶假滋漑氣竚以褰襟挹沮澤非

復初齋詩集卷三十一

蕊茹澗沼芳芷襲東軒始再來麗老方一吸

東軒疊去年韻二首

重來十日前因在潯雨連晨潯暑風卻笑虛空無住著
那將籠取試神通買山竹澳寧煩卜照水茅軒又不同
睡覺從何分別起一瓢顏巷日升東

碧窗宿霧定浮埃真意端從畫幘迴二老聯牀奚借境
三張舊約共拈來江山對面非前夢今古同岑豈異苔
宋迪果成尋息壤何如故紙永師開未句謂芝山有來
士去年在京師親見芝山藥房作此圖而謁選適得高
安亦一異也瘦同舍人監倉取蘇詩題泗州南山監倉
東軒故事亦自號東軒賦詩
見寄故與藥房稱三張云

和黃文節食筍詩 六月十二日
臨江試士題

坡翁和食筍涪翁和春菜苦言自寓歟本性非炫賣相
似氣味間蒼茫叩眞宰千歲昭子琴至音無成壞今我
薦筍脯重拈靈簡債三注訂任史一笑憑鍼芥公其眷
桑梓秀穎茁江介鳳皇翔千仞竹實供一嘜儻有葛敏
脩鏘鳴竹風噫不虛辦香蕪敢詡輪軒采

程易疇得漢印文曰程壽求賦詩

孫喜小名季迷氏畀以漢印云孫喜程翁別號長壽叟
恰來漢印云程壽吉語受命如響占天之因人蓋非偶
孫郎寒窗鬱幾年自得此印科第聯春風 殿庭發臚
唱篆文曉日紅殷解程翁靜者脈有異壽骨天成自爲
記翁嘗著
異脈記康彊逢吉到期頤丹篆摩挲意中事比來士

復初齋詩集卷三十一

二

大夫有福能稽古孫程之名滿藝圃程翁通藝著爲錄
程翁說劍圖成譜文章金石來結緣左右逢原任攜取
屬我漢隸扁索我漢印詩攜歸黃山之丹室就官膠城
之水湄償翁萬卷手鈔古圖籍報翁萬杵自擣眞隄麋
一字一珠爲添算有鶴飛下簾峰西

新喻道中

我題研經堂意追二劉蹟新喻接新淦古堞紆以直曉
星溼雲披新涼潯雨積遙山百里來想帶袁江碧疎陰
無匿景淡意有孤覲平野不疎蕪良時厚栽植豈獨禾
役滋得識新牛力驅輿撐雲光策馬前岡石

鈴山堂

堂倚袁江麓勢偏青峯俯愧碧潺湲大雞韓孟聯吟好
小吏廬江樂府傳莫認故巢思孔翠試憑後學洒山川
世間豈少藏脩者岑寂書窗二十年

題董文敏倣米元暉瀟湘圖二首

自題云甲子首春

平生得力雲山法冉冉蒸青接混茫膚寸洞庭天萬里

廿年那復夢瀟湘

文敏乙巳丙午間視學楚中至是二十年矣

虎兒筆力到房山潑墨空澄一氣間七十老翁渾漫與

天機捲卻五洲灣

文敏是春政七十也

元四賢天冠山詩墨迹卷

眞人治所偶被傳靈蹤一閱五百年何人夜半欲負去
銘字妄擬長常鐫

映刻偽本目爲在丹陽郡丹陽郡固無此山今得此眞迹始知丹陽是道

復初齋詩集卷三

三

士之號非地名也少霞山卿不敢受待我來泊西江船貴溪溪

深龍虎氣丹井一縷蒸縣縣軒轅尚解人間書邵庵本

自南岳仙洞經眞訣祕不說石壇雲氣空迴旋卻到雲

州異香發玉京高處院集賢明月空歌響誰送招眞觀

主夜不眠吳興學士天人姿浮邱洪厓袂接肩珠顆墨

聯躔四七桃花紅約春三千四賢俱是山中人袁王賡

和相後先重書復得橐餘紙畫圖恐未忘言詮至今三

峯五面石膏乳盡作漚波圓四明東平共來會崇仁近

接於臨川紫眞誰授右軍筆唐篆我結山谷緣丹陽刻

石苦多事四賢空外應粲然金堂玉室渺雲海下視此

山石一卷況我區區辨陝刻銘鋒豪末追便娟駕水橫

雲人已往精微所質誰與宣匡廬眞面約重覲信江綠
溼濛濛煙

吳仲圭山水小幅用題者韻

泰昌元年嘉平蘇門郭涓原仲題

墨竹何曾異山水以馬喻馬指喻指巨然洪谷之後身
證法初無一筆似兩椽草閣空曠中元氣渾淪乃至此

百年前已價連城題詩嗟賞有餘清況我銘心譚藝暇

見爾傷時閱古情書家俊拔思張旭孤島青分似率更

蘇門卻兆蘇齋喜置我梅花崖屋裏恰有雙清解舍開

浣筆千峯墨雲起

畫上有雙清館印與子解舍名同

文壽承題陸包山畫扇云五陵昔日繁華地今
日漫天蔓草生蔓草不除陵寢廢當時一寸與

復初齋詩集卷三

四

人爭此二十年前六如先生題予扇詩也詞旨

慷慨口誦不能忘偶閱叔平小筆不覺與前輩

之想因錄世重扇頭涕淚俱下戊戌七月文彭

記戊戌是嘉靖十七年壽承年四十二其廿年

前爲正德十二年丁丑壽承年廿一唐六如年

四十八蓋其放廢後十九年矣六如戊午領解

南京壽承甫二齡其年春宗儒先生將之溫州

任六如與徐昌穀楊君謙沈啟南韓克贊朱性

甫同餞於虎邱也壽承題扇後二百五十年爲

乾隆戊申北平翁方綱題二詩於後回憶得此

扇時又二十年矣

吳趨舉首金陵歲虎阜離筵太瘦生才子誦詩來感舊
又添去日廿年爭

底事關心陸叔平渥丹顏色寫如生斜陽空外娟娟思
不許詩家一筆爭

宋光宗書誠齋二字石本

左題云贈侍讀楊檢
詳下有淳熙十六年
八月戊子識語

誠齋齋名本魏公發揮易傳淳熙中經術之用乃至此
十事磊磊抒精忠以消天變勵人事挾槩本原如發蒙
誠之時義大且遠究宣蘊蓄於東宮是時光宗已四十
繫輟禮近非幼冲三朝見聞想習熟兩字揮灑何雍容
當時宮僚有故事萬余尤沈同非同玉淵酒半再拜請

復初齋詩集卷三

五

清賞印識隲堯農後三載秋筠守記論思即召來大蓬

一十五年江畔臥勸讀錄草嗟遭逢二聖含豪傳祕法

兩宮問寢餘深衷此石此書齋壁勒一字一淚精神通

吉水祠前水蕭瑟明珠夜夜飛玉虹裔孫手裝舊墨本

跋語半泐追無從識是已酉八月朔六月初秋耿光熊熊

尤家吳家有此否墨花湧注章江東期爾後人勤力學

稟如銘訓滋益恭傳家忠孝照萬古浩然正氣蟠長空

光宗書遜初字以賜尤
表書匪懈堂扁賜吳城

初公隲歌為懋堂觀察題照

江州江漲澤所瀦李翺昔日銘南湖濱江帶湖數十里
潯皖下上楚與吳長隄蜿蜒亘江汴波濤日夜喧菰蒲

繕完歲久計不就督工誰肯肩勤劬萊陽初公起東海
手挈元氣來分符時和歲稔民氣洽周視滄溟神踟躕
首捐廉俸議倡舉坐見紳士來歡呼辰秋相度已春畢
七十晝夜環丁夫隄橫八千四百丈江水帖妥平如鋪
是時春陰倍寒冽風從北來僵荻蘆同雲密霰灑林木
菱槳舂鍤紛泥塗公立隄旁凍不避目營心與衆志孚
吏人爭趨婦孺集登登築並隄隄成江郭麥已綠
勒石表績人樂胥吾聞鄱陽頌召父章丹遺愛樊川書
西江陂塘有故事此隄名與千載俱潯陽江介控萬里
洪波九派朝匡廬海天一覽庾樓上使君聲繼白與蘇
我詩雖愧白蘇後白蘇當日無此圖請續江州水經錄

復初齋詩集卷三

六

至今此隄猶姓初

南昌學宮摹刻漢石經殘字歌

石經未及洪家半尚抵吳萊籀書換龍圖晉玉雖舊聞
魏公資州餘幾段鴻都學開後三年皇義篇章未點竄
正始那誤邯鄲淳隸分先估張懷瓘黃晁援據正宜審
蔡馬姓名還可按六經七經孰淆謫一字三字精剖判
邇來鄒平與北平商書魯論珍漫漶如到講堂筵几度
我昔豐碑丈尺算表裏隸書果徵實章句異同兼綜貫
洪釋篇行記聘禮今我諸經儼陳燦春秋嚴顏詩盍毛
只少義爰象與象書云孝于復友于鼠食黍苗三歲宦
近人板本據婁機追想饒州簡初汗鄱陽石泐五百年

中郎聽遠焦桐爨豈惟西江補典故龍光紫氣卿雲縵方今

聖人崇實學六籍中天森炳煥羣言壹稟醇乎醇如日方升旦復旦諸生切磋而雅故不獨瑯琊工文翰宮牆齋廡探星宿清廟明堂列圭瓚鳳皇一羽麟一角琪樹芝華非近翫研經奚必占本執樸學幸勿承師畔河海方將測原委實厚先須植根幹越州石氏證蓬萊餘論何人續東觀摩挲小閣一紀餘甫得南州映芹泮偏傷或裨箋傳詰參檢直到周秦漢踟躕凝立語學官桂露秋香手勤盟

陪趙鹿泉大理祥厚齋吏部讌集百花洲和錢

復初齋詩集卷三

七

宮傳韻二首

九月十日

昨夢雲猶戀野塘東湖水遶棘圍牆風交曲檻桐陰合露點閑堦桂子香燭影自邀歌扇轉眼明不許蚌珠藏秋空一洗炎歊氣賴有冰壺徹底涼

藥榜題來竹管班人如菊淡意蕭閑九旬秋又重陽過

三十年追舊侶攀已卯九月十二日予陪錢茶山青眼

廬峯還識面素心老友對開顏使星幾箇同岑客重憶

盧劉看粵山乙酉秋予視學粵東盧抱經學士劉象山

詩句今鹿泉同年與厚齋老友同來故云爾

次荅午堂東軒見懷之作

東軒舊夢不分明拈起圓通悟淨名公是愼師還記否

問羊一笑識初平

惺菴席上送午堂還贛州兼呈東峯

淡交心在嶺梅先雁信霜濃驛騎旋三友訂來成四友貢川安得合章川地如薊北登高會人似江西道院禪記取黃華美酒其年年詩卷說朝天子與惺菴東峯合而今春午堂以松竹蘭梅四種見寄故有四友之句昔楊誠齋詩有江西道院集又有朝天集朝天續集今東峯惺菴即將入觀午堂亦連歲奏請入觀而明年此時方綱亦將還朝矣故援誠齋詩以見例

送東峯入觀

三年戀闕倚征篷握別情親寤寐同梓里慙拳如骨

月藺巖訓誨切兒童兒子樹培出藺巖侍講之門藺巖東峯甥也新陽雨露

螭頭近舊夢星辰豹尾中得氣江梅春信早北來衣袖

復初齋詩集卷三

八

帶東風

隘口十一月十一日

匡廬吾故交寤寐以神會豈必形迹拘信宿棲其內此行屆寒沍未得造幽邃澹然領大意聊取真面對日出霧未消高下屢向背雖遶湖路險卻就逕口隘正如素心人渴欲豁蒙昧不辭歷曲折始得通情話匡君笑許我脈脈佇空翠何以副每懷軒然吐奇氣

陶公醉石

黃龍山下虎爪厓濯纓池水沒如杯盤盤巨石誰所識萬古寄此陶公懷陶公觴罷興酣恣放筆自寫忘形骸翺翔雲鶴渺八極飄飄奇氣凌九垓仰臥問天俯一笑

天路去此豈遠哉義熙一千二百載泉荒石冷無檜輶
公之神逸在宇宙那必執著匡廬隈松風鳥語莽空闊
雪泥鴻爪徒塵埃酒痕沈想巾屨在洗耳迹挽巢由迴
鳳鸞千仞一長嘯何處可名歸去來宋元題字紛草隸
柴桑橋石增衰裏嗤予刻舟見已淺剔薛日遺磨煙煤
石上有耳迹及吐酒痕又八分書
歸去來館字及治平至正年諸題

贈雲寺二首

右軍匡俗一清真那必區分捨宅人劫外墨池重作記
定中文字更生因寒山篆又當秋午趙凡夫書紫柏光還
證戊申寺有紫柏尊者像
後題萬歷戊申歲高閣試拈新偈子四山雲影
落青珉寺僧方伐石刻子
去年右軍閣詩

復初齋詩集卷三

九

池光峯定碧玻瓈蓮性迦陵共命棲一瓣香餘嘉樹社
舊有青松社
以擬蓮社多生味在淡鹽齏寺中所造鹽齏淡
者猶佳見廬山志虬松
響起論前事石鏡溪灣認舊題記其淨師烹茗處金輪
影到夕陽西

題天冠山圖四首

趙書歸趙後山始見山眞玉笈何由祕丹經信有神雲
霞非夢寐羽衛儼冠巾試覓王高士重鐫祝道人漢王
德隱
此

通天元氣表肖象取垂旒淨宇秋相接浮嵐夜未收淵
淵澄內景莽莽鎮南州更上尋眞宰神光半掩不
招眞仍有觀聽雨舊名亭陸子鷺湖近軒皇鳳管聆會

昌猶勒字延祐失鐫銘想像丹陽卷羣公望眼青道土
陽以山圖乞趙松雪諸公詩將刻石於山中而實未果
刻耳今尚有唐宋諸題皆已泐甚矣至陝刻爲趙書不
特謬丹陽爲郡名且以松雪題畫之作誤爲自遊不知
延祐二年松雪與諸公同官京師唱和爲此詩未嘗遊
此山也

嵐漪軒和山谷韻二首

誰貌瀍波帖丹陽作郡名百年傳習誤十日畫圖成楮
墨迴深秀江山鏡粹精焚香來澹對小几篆煙橫
跣趺戶牖非僧廬淋漓眞氣依清都卷碧天然鎖萬壑
小窗咫尺收全湖憶昨長雲洩江渚涼秋空翠撲肌膚
縮歸巾箭光可燭寒宵默坐得元珠
虎頭金粟何處影天皇畫圖似有詩超公伐石記否在

復初齋詩集卷三

十

追摹得之或未遲他年快軒更起屋徘徊好事應前知
夜分然燭瘦藤倚石上又長菖蒲枝

五老峯

昔訪黃巖巔初捫白巖字五老峯三大晚飯鹿眠場晨
字明喬字篆策棧賢寺嶠然五峯尊昂首肩以次招揖全匡廬來納
我行筇歲行星周迴晚稻變霜穠穩怒乎如苦飢覲飽干
嵐翠勿言眞面邇敢以恆情試出郭神爲起所造猶未
至昔貌與前名淵乎不可企離合見神光沖舉非一致
遐睎羽人駕側佇丹經祕誰能以象存助助神靈意煙
霄通笑語向肯如掩避仍合虛無中空光有餘地地脈
測天經象緯非顯示吁嗟五曜司內景含精粹余忝文

柄持於茲擢英異名岳領地靈必蓄楨幹器愧挾浮氣
來未識蘊深遂蒼顏一笑開耿耿照寤寐迴環二十里
無敢騁前騎稽首青蓮花南極離明位半月後圃吟未
拈眞實義請書太白詩以補鹿洞志

於東林圓通二寺拓得鐵鑊字各題一詩

東林寺鑊字云元和乙未十月二十四日山門監寺鑊紫沙門宗禹記圓通寺鑊云三班借職監與國軍總口都鐵冶權程遂良拾口鑊壹口於盧山崇勝院永充口口大中祥符元年戊申歲十一月初三日匠人李瑤饒興記

江夏書重勒至元唐鐫誰共鐵爐論晉公尚未平淮日
想見山僧煮菜根

坡公寫偈說前因此鑊還先七十春相對微瀾生積雨

復初齋詩集卷五

七

石龍龍口訊何人

吳章嶺三首

蒼然東北注精神始識迴看五老眞非此雄崖千丈起
如何收束萬嶙峋

冬寒未得造深巉卻補濃青滴袖衫絕頂振衣僧舍畔
捫星何減立黃巖

全勢匡廬遠近間迴思半月落星灣此行試覓拈禪偈
算在山中算出山

寄內二首

檢點歸裝近廿春辛卯冬予自粵東北歸計至明年依冬又自江西北歸已一十九年矣
然四壁長卿貧鬢添皓雪心相質膝有條冰味更眞豈

好搬葦同黠鼠不辭補屋用勞薪東偏爲我安書榻實
要三餘傲麗觀

曉翠名樓緒不禁曉翠內子齋閣名也八分題扁當登臨三千里

外挑燈話四十年前聽雨心嘉樹孫枝同祝願拈花迦
葉共追尋破鑊煮飯須何物鄰寺鐘來響梵音

張蔚田停雲志喜圖

停雲之思古有諸停雲之喜古則無誰爲志歟張與初
同心寫貌共一圖圖君之貌寫君志併寫圖前數年事
張公都闔出巫陽初別初公話僧寺平生止酒念高堂
未減胸中浩然氣蘆溝月挂霜天高一笑摩挲七寶刀
是日寒雲動行色飛鴻激響求其曹西山青眼千重疊

復初齋詩集卷五

七

只記初公一繭袍金川鐵甲穿行險不得長安故人訊

七千里外得歸來八九年中敘離恨燈前磊磊照痕痕
不是區區感容鬢掀髯高歌泣鬼神酒酣倚劍氣益振

開篋依依繭袍在別時言笑今重陳誰知棧道厓間夢
仍對燕臺雪後雲嗚呼丈夫豈限關山阻四方上下何

處非相聚唾壺擊節聞雞舞要取平生奇氣吐此會莫
作尋常數此袍此友俱千古嗚呼何須上下逐四方韓

孟飛佩徒頡頏今者爲圖語更長匡廬眞面聚南昌星
斗一氣交雲光兩公和歌喜欲狂摩我大字神清蒼

坡公書石鐘山記久失去湖口令蜀人雷醇夫
伐石請予重書而醇夫適以月夜同周載軒編

修泛舟詩來眎予因賦此贈醇夫兼呈載軒

誰將展齒記青苜七百餘年舊夢迴片石重留蘇子蹟
扁舟又得蜀人來羽衣吹笛千山響廬岳蒼顏一笑開
明月低空還識我巖泉飛湧墨花催

題松陵史赤霞悼亡詩卷二首

淚珠一落三千字消得空花是筆花不合姓徐還字淑

玉臺詩句泥秦嘉

徐貞字又淑

蒲褐觀空證墨絲松陵鶴去月如煙只應紅日烏雲夢

拈起東坡偈子禪

君時下榻王述菴方伯蒲褐山房而予所藏坡公書天際烏雲詩帖爲君家故物也

蘊山應聘主鹿洞講席賦寄

復初齋詩集卷三

主

寤寐嵐漪信有神瓣香容易說前因來尋鹿洞申條約

果與匡君作主人經義師承母泥古文文章家數莫翻新

開先玉峽看飛瀑處處源頭可問津

書院壁間有王文成書古本大學愚

去年來此有詩力言近人輕談復古好駁宋儒之弊故此詩及之

曉發九江

我循蠡口溯江灣面面空蒼遠近間星渚勢如隨客轉

匡廬意似導人還磨穿日氣青瑤鏡翦破湖光碧玉環

兩郡匡陰相向出微雲一點在鞦山

石鐘山

兩山倚湖滑一城居山腹山亦崇墉狀水刷削如築萬

里氣吐吞長濶漱其麓竅穴撐空嵌激盪隨所觸大官

細則羽至音非琴筑太古無始來聞者豈余獨記憶元

豐間洗剔眞面目昨遊夢屢迴今來水猶縮斷厓青蒼

氣凌空勢一束瘦出石根白盡吸全湖淥僧窗一長嘯

直下萬川瀆迴風巨響來但恐洩坤軸書記何足道千

劫同轉燭更煩金石奏鏘鳴振林木

昔郡陽洪文惠重摹漢石經於越州蓬萊閣今

六百廿年矣丁酉秋予以黃秋盒所藏三段摹

刻於小齋因自名小蓬萊閣而秋盒之先世實

有小蓬萊之號誠足異矣及來江西合前後所

得十二段重勒于石今按試饒州適王秋坪郡

守亦以小蓬萊閣名齋蓋嘗守登州也秋坪精

復初齋詩集卷三

古

篆法與子論訂古刻恰相聚於鄱陽洪公之里

古今人不謀而合有如是者乎賦此記之

我生屢踐蓬萊盟昔之秋盒今秋坪盤洲老人去未遠

大滌洞天聞嘯聲登州未到我能說坐對孤島搖空明

雲濤萬里攝跌息齊煙九點綠一泓南海東海等袖石

長生不約來長庚

子初於廣東惠州元妙觀後石上得長庚庚八分書蓬萊字拓本扁於小

閣及甲辰夏嘉興王若農又於山東萊州青蘿觀拓

得仙人劉長生草書蓬萊字見題因合裝爲一軸

知今到文惠里恰倣越州石刻成我方湧喜源東漢君

正急就摹西京

秋坪適篆急就章入石兩人大笑事前定蟠桃連

絡菖蒲生八分小篆以類聚珠琲廉角磨光晶培風勵

等大瀛析津東望直沽口百川學海原委并他年重勒
石氏帖不志息壤芝陽城婁機字原亦繫此雪坡偏傍
訂益精秋坪將校錄周題詩卻寄黃通守名齋何減顧
阿瑛金書玉簡儻可問篆法漫借鷗波評元顧阿瑛築
雪爲篆扁

得何義門書蘇齋字摹勒於壁四首 以下己酉

何公丙戌書今八十四春重勒蘇齋字又見蘇齋人敢
方蔣家居破屋然溼薪空持千載意兀爾一編陳上追
古人心獨與玉局親天放本精微許我識其真同日眉
山像會合來精神疑此不偶然孰指所問津張芒堂寄
贈眉山坡
像石本

復初齋詩集卷三十六

五

生日闕薦筵四年虛度臘乙巳至今未舉公乎不我較
意轉如訓荅此蹟十年前訪友代摹揭夢於繡谷旁辨
香千燈弔眞宰必來助初願久乃合桂坡與雪苑巾履
交雜還施顧兩詩翁大笑慶簪盍繡谷當時賓曾否設
此榻惜無麓臺手落筆長風颯畫我安宋間淡對如老
衲將摹安桂坡宋漫堂
二像於蘇詩宋本
兒時誦班書緬切陳蘇菴浙許陳緬思山谷語質厚使
我慙齋初拜蘇米意頗慙空談甘露未成圖彌勒敢云
龕所以題蘇齋只假椽兩三舊書堆數廚一經始研覃
昨得張米字張大亨米芾
貽題字五禮例可參附於蘇門人已
孔艱荷擔汗浹前輩題借手爲指南

何公正書勢兼有虞褚歐堂堂二大楷意併平原收揭
之楣簷間凜若正士謀想像道護丁匹伍仲寶劉山海
寄崇深孤島青一漚坐臥索靖碑浩蕩宗炳遊咄哉見
已淺豈惟藝焉求結習邕師帖日矚石墨樓

辛生和子夜雨詩有奪席經誰富之句蓋爲鄧
生發也喜而再次前韻示之

誰許經重席先占魯兩生學山觀石勢發的聽弦聲字
詒唐元度文箋陸德明他年憑著錄幾箇任干城

天冠山歌贈貴溪令鄭外峯

我來西江覲眞面天冠洗出青嵯峨近在城南四三里
貴溪溪水金沙渦道園松雪俱未到趙書僞蹟謬傳譌

復初齋詩集卷三十六

六

丹陽道士貴溪築郡名傳會理則那年來第一快意事
陝石可付麤沙磨君傍仙山來作吏爲我厓蘇親手摩
會昌二年剩唐篆洪芻一再題宜和世間久無此搨本
造物豈忍堅護詞奇哉今夕豁眼界巉絕峭壁排煙蘿
如堂者密宮者霍丹霞融結香篆窠招眞祈眞一耶二
寸田尺宅寧在多三峯削起五面對小隱裊裊長廊過
參差峯嶺橫側勢不許凡筆皴黛螺直從太古蓄秀色
散作逸筆來漚波後五百年乃到我於水中沚翹菁莪
錦罽犀軸兆爲此金漿玉髓緣如何此行歸來許杖策
盥手時蔭珠樹柯重當與君理舊約四七章更迫空歌
篋攜小幘何足道眞境仍自畱巖阿所得天台紫眞夢

馮魚山遊崑山拓韓公投書處字及博臺鐵碁

字蒼龍嶺鐵鎖柱字見寄

馮生襪被雲臺遊僮僕竊詈妻孥愁忽到韓公咋指處
海浪卷袂風脩脩何人題字尺二寸想亦韓後書試投
子胡於此裏甌蠟倣我塵境日接酬書來卻遲一載後
我方握槩鉅毫抽文書堆案蠶食葉破緘翠湧蓮華舟
衛叔卿者果曾有玉漿石髓盈丹白鐵碁尚與仙蛻畱
王質已落樵人後高垂鐵鎖何處懸拔地蒼龍負之走
一綫冥冥裊裊中呼吸碧落捫星斗墨濡竹素神閑暇
衣上白雲如望帝馳書誇說恐不信故要包緘寄情厚

復初齋詩集卷三

十

馮生馮生真好奇陝遊幾客曾爾爲百五十年鐵半蝕
何況遠問貞元時韓文公遊華山在貞元十八年鐵鎖柱字三行云崇禎四年三月直隸保定府新安縣口口口惜薪司總理御馬監太監府官韓國安施造我持此紙挂齋壁眩
掉似慄巖麕吹徐思坐臥未移榻半晌心定方恬怡掩
卷默誦韓公句想子定有鐫銘詞何當與子刻其側元
氣萬仞爭淋漓

復初齋詩集卷第三十七

大興 翁方綱 正三

谷園集五

漢延熹西嶽華山廟碑歌寄辛楣

三原王焯說二本縣津宋與山史王我昔摹臨得雙壁
塔影園客所未詳顧南原謂宋漫堂本卽王無異本未之深考也十年奇懷貯
胷臆不得舊搦窺豐坊可平王宋二本藏後來鮎埼亭
主藏大和元豐有題字李衛公蹟未褫裝鮎埼亭所以託
完好六百九十文中央其額居中微迤左下楷者宋上
者唐衛公西來拜嶽位星辰炯炯迴雍梁金天鼉鳳全
勢出眞形摺疊於巾箱幾日范家天一閣今歸詹事潛

復初齋詩集卷三

—

研堂未歸潛研前一夕有客取影神彷彿知我十年夢
西笑寄我一幅來南康我適摩挲鐵絙字昨馮魚山遊華山寄來韓
公授書處石刻及鐵石經況值摹中郎此本於今甲海
墓鐵鎖柱上刻字
內寄聲潛研喜欲狂公之儲弄敵歐趙釋文訂誤兼劉
楊往者同觀山史本吟舫共几神飛揚天以神物付巨
手要使金薤窮琳琅江南後先九十載偶筆何啻追筠
廊筠廊之本廿載後世守尚驚王庶常宋漫堂巡撫江南得此碑在康
熙三十八年己卯其後王虛舟官庶吉士時尚於宋蘭
暉齋中見之而王無異本於康熙四十三年甲申已在
邠上見於陳香泉金石遺文錄子是以那如松談暨讀
據此定山史與漫堂所藏各是一本爾
易流轉南北輸與航祝公此本永寶用嶽石一片畱青
蒼雲臺蓮華盎盎氣北斗沈瀝垂玉漿漢初舊刻早磨

滅而此千載猶晶芒與披丹篆乃到我釋文竊補洪喬陽陳君昔刻我臨本中間肥瘦猶待商何如今摹就全石併刻題識森成行挽迴元氣還太華會合精靈訓郭香近語述菴遠程交時程易疇司訓嘉定江干耿耿馳相望此本之出蓋爲此豈直爾我私勝囊賤名八分附其側墨池五采飛榮光

明常熟趙文毅兕觥久藏曲阜顏氏文毅五世孫者庭不遠數千里持子詩往求今竟得之者庭賦詩寄謝次韻四首并邀同志和之以志藝

林快事

此物思歸二百年小詩何力敢貪天憶君灑淚秋燈夕

復初齋詩集卷五

二

訪我匡廬岳麓偏報國抒丹畱碧血傾家買玉換觥船者庭刻玉杯以易之要令奕葉傳忠孝不是區區翰墨緣

老翁七十誓拳拳實仗精誠上格天家廟歸來神醉止椒漿奠罷燭花偏一庭感泣孫攜子兩載奔馳騎與船安得延陵和璧在檣遺同日訴前緣吳氏玉杯已失

當時痛飲國門前感動長星耀巨天威鳳九苞遺響在交羊一角觸邪偏丈夫自要垂青史奇氣聊憑寄酒船千古士風須砥礪激昂名節恥膏緣

樂府新教曲譜傳歌聲薊北接南天梧捲所繫綱常重銘篆非關嗜好偏得味簞瓢來魯巷催詩珠玉壓吳船桂顏此夕明湖夢時向蘇齋證昔緣桂謂未谷

蘇竹詩并序

元豐七年四月東坡自黃之筠過瑞昌題字於亭子山壁點墨竹葉上至今環山之竹葉葉皆有墨點見宋僧道璨柳塘外集今竹已不存而地以公名昔有王主簿移植竹於廳事額其堂曰景蘇蓋坡公夜宿地也知縣爭彭君淑屬子題石因和道璨詩韻系於後

蘇公夜宿處把茅爲誰覆蘇公點筆餘墨勢許誰續千年石墩在一片漢溪曲想像數點橫覺我八分俗所幸題此墩因之繪此竹萬古青一氣迴風響羣木一笑劉仙符夢遶羅浮麓

附道璨詩

復初齋詩集卷五

三

一葉復一葉世道幾翻覆一點復一點書脈要接續親見長公來一節不肯曲見竹如見公北麓能不俗回首熙豐間幾人愧此竹翰墨直枝葉點化到草木長公有深意此事付北麓

蘇墩詩

我因蘇竹識蘇墩亭子山頭過雨痕認取元豐苔蘚在何殊玉局道人存招攜響籟泉相答呵護精靈石尚溫明月飛空巖寺裏松風延客自開門

題廣信試院

觀成扁宇重徘徊華陽岳撫軍溶題觀成堂字容易捫心擷秀來茗椀蔗漿三大尹玉山李君實福廣豐蔡君旅平貴冰壺溪鄭君高華三邑宰皆子門人也

玉映兩清才選拔者九人上饒周生玉堂環茂樹經春

長門倚青峯對面開他日何人能接武層欄爲我護蒼

苔堂有仁和趙學齋先生手書碑子前來此題記於

十二受知於先生

天冠山二十八詠 井序

去年夏得松雪清容道園繼學四先生天冠山題詠墨

迹卷因得辨正陝西石刻傳會丹陽郡之誤今年春按

試廣信旋役舟泊貴溪獲遊半日粗領其槩爰和此二

十八詩并拓其石刻繪圖裝卷不啻與此山有夙緣者

己酉二月二日金沙塘舟次書

小隱巖

復初齋詩集卷十七

四

一桁蒼玉垂萬竿青竹广我欲六月中於此鋪笛簞

五面石

天冠之西南面與冠似橫側嶺耶峯隔江已如此未

貴溪城南十餘里外即望見之此峯後方前圓遠近開

狹不同非真有五也故知松雪清容諸公皆未親至其

一綫天

懸崖通箭筈空嵌入始青我昨匡廬夢於此測天經

龍口巖以下依松雪詩題原次

二泉下山脊中間夾林屋所眞與逍遙誰測首尾腹龍

所眞逍遙名曰三巖

洗藥池

傳聞礪泉脈流出藥草香金膏汎水碧自然隱文章

鍊丹井

礪水逶迤去丹華日夜蒸居民渾不識如昇只田塍

長廊巖

近接王儵峯時有仙客步石礪玉鏘鳴天風珮環度

金沙嶺

作如是沙觀鍊之皆金液一綫雲寶來隱隱丹井脈

昇仙臺

岌岌三大字石壁欲飛動綠蘚溼濛濛白雲迴滃滃

逍遙巖

齊物逍遙旨噴珠飛雪間二泉如何南斗句輕以況塵

復初齋詩集卷十七

五

寢巖上刻篆書熙寧十年九月判官都官

靈湫

古有靈湫幘今無聽雨亭翻憑僞趙帖遺事補山庭子

得松雪詩眞跡此題下無亭名聽雨之注而陝刻

寒月泉

茲山龍虎氣靜夜蟾蜍仰深深得歸復是以觀所養

玉簾泉

銀河挂九天晃蕩大千界同一西江水那別匡廬派

長生池

池在徐巖下全受天冠陰一勺不盈畝汲之清且深

道人巖

王儵羽化後何人眞道人自從會昌日題壁說招眞山有唐會昌二年篆題

雷公巖

龍雷神變化地近上清宮松雪有書石祕文同不同龍山有趙書碑

石人峯

獨立四無倚月巖風洞對借以作指南溪迴峯向背

學堂巖

誰謂鷺湖義支流鹿洞分知行證傳習可以理前閭此陸象山先生講學處也故以學堂名巖松雪不知而云仙人非癡人山中猶讀書道園亦有翻翻學仙子之句亦足見諸公皆未親到茲山矣

復初齋詩集卷三

六

老人峯

深崖閤仙靈古樹長松抱蒼然霞外思西南揖五老

月巖

諸巖徹虛明不使匿幽獨萬古一空光大圓無臍胸

鳳山

山如鳳翼軒儻有歸昌律果若虞公言誰定伶倫匹道園詩只有山中竹旋爲十二宮

仙足巖

我來春雨濛側想秋巖卉澀蘚滌前蹤凌雲鬱奇氣巖上石刻紹定壬辰季秋既望魯國陳成父賈晦叔朱子後胡子儀韓仁父錢德寬兄之官古中紫桂遺香黃花發采舉杯相屬尚羊竟日

鬼谷巖

巖有唐人碑想自丹陽拓丹陽刻又湮古意莽寥廓

風洞

今晨靜無風忽憶訪遺刻殘經懸囊山大楷王士則石經土人呼曰風洞碑又唐王士則書李寶臣頌俗稱風洞碑

釣臺

大石容百人意釣者誰子我擷江山秀印須從此始

礫潭

石磴儼階阼深潭含古春半日領其要四山滄餘津

馨香巖

旬雨一夕晴獨得深潤氣幽巖二月初密樹鶯喧未

復初齋詩集卷三

七

三山石

三峯與五面總合一天冠此郡采眞意還憑道眼看

諸友人用廣信試院韻紀天冠之遊再次韻二

首蒼之

名著詞場五百載纔逢我輩數人來山庭了不知松雪稷帖何勞訪辨才寺僧甚半日衣裘嵐氣重諸天洞戶綠雲開藥珠玉簡煩料理且莫輕言浣紫苔山皆赤石難施鐫刻故舊題多泐此蒼研齋屬我畱題石刻也

梨棗親從道士栽竹筴幾箇解人來那將枕石眠雲客認作彎弧沒羽才箋釋圖經非一事發揮奇秀待重開我今囊取空江氣未許同岑說異苔小隱巖一名射虎巖小隱者漢王儵

也至宋宣和間洪駒父以鄉人射虎於此始以射虎名之而王繼學詩云抽矢射白額歸洞讀舊書則以射虎者即隱居之人誤矣此亦足見當日諸公皆憑畫冊為題而作未嘗親至其地也此答散堂致地志也

貴溪天冠山湮沒於世久矣元延祐中山之道士祝丹陽繪圖乞文於京師趙集賢孟頫虞奎章集袁學士桷王禮部士熙皆從而詩之四賢之文著於天壤然而山之湮沒如故也 國初有鄧霖者得偽趙書一卷刻之陝西四方多傳搨者於是天冠諸巖洞家誦而戶說之然而山之湮沒如故也去年夏予始得四賢手橐而珍之既而詳辨丹陽非郡名乃知陝刻之偽所載趙書自跋云余昨遊天冠山者誤也然趙虞袁王四賢同時官於朝偶見丹陽道士之圖而賦

復初齋集卷三

八

之取其倖色揣稱而已安能一一攷其地而實之故有云五面峯一分為五者有云學堂巖是仙人讀書處者有云小隱巖射虎之人即隱居之人者皆誤也凡為文者每苦攷訂之難攷訂家又苦言之弗文攷訂而能文矣又未必其地適相值而事皆足徵故彼我易觀而相輕謀者皆過也予之來此方汲汲士品之為移訂古非所急也故因吾友詩意而略言之將以諗斯士之為士者庶幾益知學焉已酉二月三日餘于舟中書

研齋用前韻謝予手書天冠山廿八詠敬堂亦因道園詩述江右學派復次為答

淋漓元氣挽教迴慙愧工夫蠟屐來他日臥遊謀畫臺昔人書法掩詩才沈思江路吟兼夢多謝山光闔又開只合碑林評偽帖傭兒泥帚聖煤苔右答研齋信州汲古意徘徊諸老精神日往來詞苑歸根皆道脈地靈際會起人才問津竹筏江干近筦牯鄉嫗玉笈開巖戶春雷農事及雨融雪沍半蒼苔右答敬堂

秦漢瓦當屏歌謝申鐵蟾作

雲林子題益壽瓦五百年到林同人長生未央一瓦出羣賢麗藻萃八閩林家冊子我及見時在乾隆歲庚寅太常太僕視閩學雨齋渭厓先後摹本動指紳榮榮丹篆上九禁正值萬方釐

復初齋詩集卷三

九

祝辰

古稀天子斂福極疇圖

敷錫于庶民千祥萬祐應期至八荒一氣陶洪鈞雲林東觀豈足道蘭語儲藏猶未臻先是排山浙朱氏瓦記一卷羅舊聞近者勉齋欵程子瓦當文述尤紛綸畢中丞與王藩伯芾棠之召膏雨郇地靈珍怪不敢祕咸陽渭北郊及闌雨後煙中剔沙礫窩泥筍距繩斧痕或為規仰或半覆芝栢藻井樓殿門東平那能備禁扁仲將尚未題凌雲梁蔡之前藉斯後參差形勢攷說文吉語迴環兼繪象六書八體漢源秦琢之為研摹作印年來學侶窮討論顏齋勒扁非一處安邑宋芝山有三十餘漢瓦軒桂末谷為書扁

吳縣張石公有商孟漢瓦軒子爲書扁于櫺比布縷差所居後屋兒子樹培亦以三十漢瓦書扁櫺比布縷差鱗鱗陽曲申侯出奇思五當排出屏風勻文綺交光雙六扇圓規疊構檐椽焚燕几之圖巧環抱珮花相向周重輪適來西江滕閣下漢鐙漢鑑取次陳藩伯王公舊賓從聯吟迭唱蛻膏焚昔時王朱諸老輩曾未覩此搜剔勤百年於茲盛樸學攷訂奇古無蕪渾三倉解詁源測委萬象會極雕還淳文字壽兼金石壽長年永奉萬億申拓之萬本裝萬幅幅幅合作熙熙春詩寄申侯代題跋豈止二篆賅八分

秀水汪秋白於余山某家園林得殘石二片洗視是山谷荅王周彥詩六十一字拓以見贈并

復初齋詩集卷七

十

屬和

江安灘上元符年筆如渴驥快赴泉草書獨許顥及素知音豈在指與弦戎州偶住頗知命此君傳神實自鏡華陽法外萬鈞力元師禪參一聲磬蜀刻幾日來吳門小祇園仍號此君槎枒勢入道眼證綠露青峯一白雲匡廬眞面知交舊奈山貽我蘭筍秀古文科斗非借言石骨質簪同一瘦江雨浪浪春二月天籟處處空音說光芒萬丈扶屋椽撥鐙儻乞摹本傳

遊青原山寺壘前歲韻二首

門求七祖定何疑薛蹟重摹不謂凝藍竹偶隨流水去衣襟忽與白雲期能供淡味齏相勸此義遊山客未知

髣髴元翁偕吉老葵蓮香飯雨花時

空山百慮絕然疑尚憾前題墨太癡香透木犀詩話在熟來梅子道人期前年臘月欲遊未果故有梅雪之句而今來遲四月矣遠見詩軒吳勉翁題句云看梅子熟矣聞木犀香乎故及之一春衡岳芊芊殘夢幾箇廬陵米價知暮雨未來鐘梵起溪雲相對立移時

青原六詠

七祖塔

一嶺曹溪脈雙峯杜老尋從來箋釋者未識古人心塔覆黃荆翠堂開藥樹陰四山諸瀑下合氣靜愔愔

五賢祠

祖述姚江學鸞湖接鷺洲三溪源自合五笑蹟誰留聖

復初齋詩集卷七

十一

域仍題榜傳心更有樓彈琴來上已何以副前修山有亭

翠屏峯

駝峯東北拱全自漱青來玉筍千株起山堂一面開舊聞軒晚對時接鳥飛迴所以元翁意相邀賦釣臺昔對亭今

噴雪軒宋胡忠簡題寺泉曰噴雪後人以顏此軒

名泉卽名屋到屋聽泉聲是日山之半微雲皺不生何人遺字在猶見倚欄情卓錫開軒始元同碧一泓寺後泉錫

顏書禪關字